


Publication: East Touch Magazine	Date: Issue V80 11 July 2006	Page: 182-185
Subject: Overview of Sheraton Grande Laguna, Laguna Wedding Chapel and Laguna Beach Resort.	Country: Hong Kong	Circulation: 80,000/week

discover travel

09

Laguna Phuket

好多人到布吉旅行都會貪方便揀芭東嘅酒店，冇錯，芭東的確有唔少酒店resort選擇，不過要舒適又要靚就真係少之又少。其實喺芭東附近（約20分鐘車程），有一個超大型酒店區，名為Laguna Phuket，裏面有5間Laguna旗下嘅酒店，當中一間佔酒店區面積最大嘅Sheraton Grande Laguna Phuket，無論風景、房間、設施都係最靚，當然，價錢亦會比芭東貴少少。



Sheraton Grande Laguna Phuket最特別嘅地方，係全部酒店房間都係圍繞住一個鹹水湖興建，有啲套房更建於湖上，住喺度簡直有如置身祿水都威尼斯一樣，自己有個湖嘅酒店係布吉的確較為特別。

...continued

10

Hotel facilities

Sheraton Grande Laguna Phuket入面嘅設施的確齊到不得了，就算你唔出去，留喺酒店一樣可以嘆餐飽、玩餐飽。



酒店內除了有一個好大嘅鹹水湖之外，仲有泳池，而Laguna Phuket其實亦正位處Bang Tao Beach旁邊，所以無論內與外都一樣可以享受到陽光與海灘，以及各式各樣嘅水上活動。酒店的鹹水湖與其他Laguna Phuket區內其餘4間酒店連接，因此，酒店更設有專用船隻運載住客到其他酒店，住客亦可共享Laguna Phuket內其他酒店的設施。一間普通房間大概約\$950一晚。

Continued...

discover travel

Laguna Chapel

好多人以為要有靚一靚嘅教堂，再對住個無極海景舉行婚禮，就一定要到關島，現在你嚟到布吉都一樣得，皆因喺Laguna Phuket都有一座極華麗嘅教堂，景色絕不下於關島，最緊要係平，成個婚禮套餐都係US\$1,899起，包埋你住，使萬幾蚊結個婚仲有咁靚嘅環境，唔係唔抵咁嘛！

11



Laguna Chapel正正喺Sheraton Grande Laguna Phuket嘅對面岸，教堂加上塘湖上面嘅倒影，感覺已經好靚，到咗教堂，你更會發覺極華麗嘅白色裝潢，而裏面望番出嚟，你又會覺得自己360度被海景包住，諗諗吓，喺布吉舉行婚禮原來都係一個咁靚嘅選擇，仲可以順便度埋蜜月。

12




Angsana Spa

好多女士們去到泰國都總會做番個Spa，而設備完善嘅Laguna Phuket當然亦唔會少得Spa呢種服務。


位於Laguna Phuket區另一間酒店Laguna Beach Resort裏面，有一間喺布吉十分有名嘅Spa——Angsana Spa。喺呢度做Spa，唔只享受Spa嘅過程，仲有靚一靚嘅湖景，絕對可以令你成個人relax晒，價錢方面亦唔貴，US\$90兩個小時，咁好享受嘅Spa，算抵喇喇！

...continued




laguna
PHUKET

Laguna Phuket (酒店)
地址：390/1 Moo 1 Srisoonthorn
Road, Thalang, Phuket 83110,
Thailand
電話：66 (0) 76324416
傳真：66 (0) 76324016
網址：www.lagunaphuket.com



Sheraton Grande Laguna Phuket



Bang Tao Beach
Puhket
Patong Beach

End.